

晚晴簃詩匯

第三八冊

晚晴簃詩匯卷九十八目錄

黃景仁 三十四首

李憲噩 十一首

李憲暉 四首

李憲喬 二十首

李詒珩 一首

單可惠 五首

茹綸常 二十二首

吳進 十八首

吳詢 十一首

嚴光祿 九首

沈范孫 六首

晚晴移詩匯卷九十八

徐世昌

黃景仁字漢鑄一字仲則武進人諸生官縣丞有兩當

軒集

洪北江曰黃二尹詩如咽露秋蟲舞風病鶴吳穀
人曰玩其旨趣原本風騷清窈之思激哀於林樾雄
宕之氣鼓怒於海濤吳蘭雪曰如仙人張樂音外
有音名將用兵法外有法翁覃溪曰沈鬱清壯鏗
鏘出金石試摘一二語
可通風雲而泣鬼神
詩話兩當軒天才曠逸五言古詩初擬漢魏微嫌著
迹後乃更監唐宋大家所造益進以七言歌行爲最
著少年名作雅近謫仙其善者豪宕感激韻概俱勝
如憑虛御風不可捉摸而頽放淺滑時亦不免入都
後作頗致力昌黎東坡之間蹊徑一變實較專摹太
白爲優其縱橫自如無意不達真若淚流鯨客悉化
明珠米擲麻姑俱成丹粒而哀笳激管乏厚重安徐
之致雖爲境迫亦露促徵人窮詩耶詩窮人耶玉芝
堂贈其詩云願子養疴暇時復御絳素博
聞既可尙平心亦有功眞知仲則者也

觀潮行

客有不樂游廣陵卧看八月秋濤興偉哉造物此巨觀海水直挾心飛騰溟溟萬萬風未屆對此茫茫八埏隘才見銀山動地來已將赤岸浮天外砮巖礎岳萬穴號雌雄雄吟六節搖豈其乾坤果呼吸乃與晦朔爲盈消殷天怒爲排山入轉眼西追日輪及一信將無渤澥空再來或恐鴻濛溼唱歌踏浪輸吳儂曾齋何物邀海童答言三千水犀弩至今猶敢攫其鋒我思此語等兒戲員也英靈實南避只合回頭撼越山那因抉目仇吳地吳顛越蹶曾幾時前胥後種誰見知潮生潮落自終古我欲停杯一問之

後觀潮行

海風捲盡江頭葉沙岸千人萬人立怪底山川忽變容又

報天邊海潮入鷗飛艇亂行雲停江亦作勢如相迎鷺毛
一白尙天際傾耳已是風霆聲江流不合幾回折欲折瀉
頭如折鐵一折平添百丈飛浩浩長空舞晴雪星馳電激
望已遙江塘十里隨低高此時萬戶同屏息想見窗櫺齊
動搖潮頭障天天亦暮蒼茫卻望潮來處前陣纔平羅剎
磯後來又沒西興樹獨客弔影行自愁大地與身同一浮
乘槎未許到星關採藥何年傍祖洲賦罷觀潮長太息我
尙輸潮歸卽得回首重城鼓角哀半空純作魚龍色

春晝曲

楊花飛游絲颺兩地相逢不相讓畢竟楊花性更柔因風
復上楊枝上游絲一縷當空垂欲落不落花裝裝須臾駐
向花陰去有意尋之不知處楊花飄蕩絲纏綿游子心傷

望遠天寄語高樓休極目鳥嘯花落自年年

過馬氏宮址

纔從宮樹聽嘯鳥旋見荒臺叫鷓鴣不用官家親飲馬一鞭已塞洞庭湖

長驅紅粉出荆關舊日承恩數阿蠻老大飄零人不識月明低唱望家山

新涼曲

聞道邊城苦霏霏八月霜憐君鐵衣冷不敢愛新涼

春暮呈容甫

先生吟太苦終日閉荆關我亦詩窮者邀君數往還對牀聽夜雨分枕夢青山一任春江上流紅萬點殷

太白墓

束髮讀君詩今來展君墓清風江上灑然來我欲因之寄
微慕嗚呼有才如君不免死我固知君死非死長星落地
三千年此是昆明劫灰耳高冠岌岌佩陸離縱橫擊劍胸
中奇陶鎔屈宋入大雅揮灑日月成瑰詞當時有君無著
處卽今遺躅猶相思醒時兀兀醉千首應是鴻濛借君手
乾坤無事入懷抱只有求仙與飲酒一生低首惟宣城墓
門正對青山青風流輝映今猶昔更有灞橋驢背客賈島墓亦
在此間地下真可觀怪底江山總生色江山終古月明裏
醉魄沈沈呼不起錦袍畫舫寂無人隱隱歌聲繞江水殘
膏賸粉灑六合猶作人間萬餘子與君同時杜拾遺窆石
卻在瀟湘湄我昔南行曾訪之衡雲慘慘通九疑卽論身
後歸骨地儼與詩境同分馳終嫌此老太憤激我所師者

非公誰人生百年要行樂一日千杯苦不足笑看樵牧語
斜陽死當埋我茲山麓

上朱笥河先生

先生卓然坐虎皮旁羅賓從皆瑰奇珠光劍氣紛陸離貢
之玉堂當世希如余卷曲櫟散資不可無一聊備遺公言
我欲拂拭之金沙同治吾能治退而喜也心然疑指胸兀
兀前致詞嗟哉小子幼苦飢典書易米供衰慈草間咄咄
哦惡詩自爲其知曾無師公名東髮心已知三千里外無
見期義興兩龔語我私言公相士無成規埽門求見君無
遲我時唯唯神魂馳聚米不遂徒嗟咨竭來乞食江之湄
頭如蓬葆衣塵緇日日面壁愁孤羈忽聞公至樂不支徑
爾投刺趨階墀不用溫簡揖路歧豁然霽色雲霧披意氣

傾倒山可移誘我力學言如飴感激真乃零涕洟賓朋暇
日羅盤厄牆頭酒過梁果垂忘情畧分兼娛嬉公也環顧
掀髯髭不惜百妍間一嫵於時歲景窮崦嵫寒灰忽爾逢
春熙恩遇已極心轉危一身塊然百不宜兩手只解霜螯
持漂零落魄志業隳漸恐化雨難爲施他時荆樑從芟夷
卽是此日牛醫兒雖然一事願脫錐長謝乃敢終其辭假
如公有煙霞思此必弟子相追隨前驅猿猱後麕麋攜囊
入雲採苓芝剝刷幽怪窮險巇佐公巨筆揮淋漓此則不
敢多讓誰公聞此言顧我嘻小子狂矣言無稽言雖無稽
心不欺春葵只有傾陽枝作詩呈公公解頤謂我詩筆猶
可爲十年吟苦霜鬢絲一編吐氣今其時

筍河先生偕宴太白樓醉中作歌

紅霞一片海上來，照我樓上華筵開。
傾觴綠酒忽復盡，樓中謫仙安在哉。
謫仙之樓樓百尺，笥河夫子文章伯。
風流髣髴樓中人，千一百年來此客。
是日江上同雲開，天門淡掃雙蛾眉。
江從慈母磯邊轉，潮到然犀亭下回。
青山對面客起舞，舞彼此青蓮一坏土。
若論七尺歸蓬蒿，此樓作客山是主。
若論醉月來江濱，此樓作主山作賓。
長星動搖若無色，未必常作人間魂。
身後蒼涼盡如此，俯仰悲歌亦徒爾。
杯底空餘今古愁，眼前忽盡東南美。
高會題詩最上頭，姓名未死重山邱。
請將詩卷擲江水，定不與江東向流。

客夜

空館綠苔閉步看，珠斗斜移牀隨落。
月滅燭對孤花水調鄰，家笛雷音夢裏車。
離憂損年少頓袖一長嗟。

慈光寺前明鄭貴妃袞袞歌

山僧篝火登佛樓發篋示我前朝物水田一襲鏤彩成光
燄至今猶未歇嶺猿睨山禽驚想見一騎中官擎當時
佞佛成間教九蓮衍得椒房名昭華寵占六宮冠十方建
寺誰能爭是日君心眷如意宛轉星前誓神器久看幻海
漫陰氛可奈廷臣與家事神廟移歸玉台空百劫難添蠹
餘字從可添絲繡佛龕誰教結習猶耽耽漸報蛾羣起河
北尙聞薦稅賜淮南轉眼身肥不能走賊前請命嗟何有
可憐佛遠呼不聞有福祈來付杯酒洛陽宮殿安在哉珠
襦玉匣飛成灰猶餘此物鎮初地空山閱得滄桑來君不
見南朝三百六十寺至今一一荒煙裏又不見蕭梁同泰
何崔巍朝聞舍身夕被圍銅駝荆棘尋常見何論區區一

衲衣

黃山尋益然和尚塔不得偕邵二雲作

眼界徹上下忠義不可逃大覺上上乘立腳宜堅牢明季
益然師大節邱山高風業秉奇慧四大窮秋毫偶然俯塵
世怨水流滔滔置身君父間窮數百六遭二十舉孝廉撫
事心忉忉憤此蛾子蠢發篋窮豹韜永嘉渡倉卒內難紛
如鼉奇禍知不遠手少尺柄操傾家結流亡破膽同煎熬
杭睦越嶠戶浙水爲長濠一一聚米籌夜卧常枕弢建業
一失守奮呼驟霜鸞思文入汀漳遙應鳴金磬草間拜郎
爵轉戰折戟戣一舉事不成天命堪哀嗇揚帆度浙海草
草揮旌旄軍中援司馬慷慨君恩叨左支復右紉絲盡不
可縑填海有精衛負陸無巨鼃膠舟再淪覆隻影竄棘蒿

全身入西竺從此離塵囂誅茅吳山顛樾黑峯踰嶢瘡痍
洗澗瀑劍術教猿猱夜誦感石裂泉聲應嘈嘈接食鳥入
手食罷仍翔翽靈異難殫述一二傳無諂從子故鄉來短
衣縛祇裯迎之返黃海卓錫觀雲濤中途與相約歸可語
爾曹五日當過我相待留濁醪如期眾畢集語意悲且豪
長歌以當哭歌旨擬楚騷歌罷起如室眾意皆驚怪排闥
入相視趺坐衣垂縑呼之已圓寂是日風怒饕挂壁何所
有血汗留戰袍始知西來旨成佛不放刀樸實得頭地可
與羣魔鏖低眉與努目一理事不勞感激壯士心聞者皆
悲號曾傳瘞塔所卽在茲山皋萬索不可得但見狐鼠噪
嗟嗟長虹氣深閉林樸慘空山一俯仰薦爾無溪毛

橫江阻風

洲若香消岸荻秋離人虛繫五更舟曉來誰唱橫江曲惡
浪無情也白頭

歸燕曲

玉露零階葉飄井巢燕差池去無影別路三千紫塞長秋
風一夜烏衣冷可憐欲別更徘徊暮氣繁華眼倦開易主
樓臺常似夢依人心事總如灰珠簾十二斜陽下淒涼幾
闋流紅卸昔日拋花散綺筵此時掠草辭歌榭海國回頭
霧百重可應魂戀舊房櫳玉京臂冷紅絲斷神女釵歸錦
台空亦有江南未歸客年年社日曾相識故家子弟半飄
零蘆花滿地頭俱白朱雀航邊伴侶稀鬱金堂上故巢非
拋殘一樣新團扇辛苦三春舊舞衣感恩幾輩同關盼忍
待明年更相見一任泥拋落月梁那堪門掩無人院伯勞

東去雁南來百徧相呼誓不回
天空自有低飛處不是同心
莫浪猜

桐城懷方仲履昆季

曾於官廨識機雲感我風情似薄醺
到枕岳鐘晨共被捲簾湘月夜添薰
冶游何處青驄騎醉墨猶存白練裙
鎮日龍眠山翠裏獨吟秋樹不逢君

塗山禹廟

鐵花已繡支祈肢閃尸罔象逃鞭鞘
文命治水河精教玉斗熒霄星冠顛
夢中飲河不用咆庚辰亥豎供趙趙
奚仲挾策驅轆轤趨風白水躬曲勺
元圭乃得天貺倏娶塗舊國山嶢嶢
日暮失嗣心孔惻祥狐候立風尾梢
南妾歌始正不咬出門那顧兒嘒嘒
台桑莽莽雲氣寥斷山出脈水

納脬蟻珠吐孕璞剖胞精燄浮爍波蒸魚作貢用逐橘柚
包日月拱璧霓垂旃典瑞輯玉爭來趁樂作言產兼沂巢
趨風振珮歛衽稍戕戕冠冕參閭父更攝荒邈來圻郊貫
胷長肱目或兌操蛇衣卉顏塗麋兜離儵佻聲嗽嗽窳窳
首龍雕題鮫或乘飛黃髮垂髻或乘騶吾駕神蛟干詭萬
狀窮撮抄各望聲教奔如麋有不用命遭擊掊汪罔骨軸
專車拋桐柳血漉穀不苞省方用代重瞳庖威爽萬劫留
巖坳越三載會山登茅記傳兩地爭饒饒編年豕竹差不
消辛壬癸甲史筆譏兩日子後所嘲眾論概勿深推敲
黃熊怒氣餘咆哮驚軀鹿足驅銀泡女媧化石立地膠風
蕩日暈睛微宵宮殿相望同豁庠承塵玉座垂蟠峭松耶
柏耶蚪龍梢歲時雜沓神巫跑羅列百戲喧鐘鐃肥羊滿